

SUMMORUM PONTIFICUM 2017 – BASILICA VEL CATHEDRALIS SANCTI PETRI

PLEASE JOIN AND SING THE BOLD
PARTICIPEZ ET CHANTEZ LES PARTIES EN GRAS
UNITEVI AL CORO E CANTATE Le PARTI IN NERETTO

Introitus

Ps 78 ,11-12; 78, 10 - Intret in conspéctu tuo, Dómine, gémitus compeditórum:
redde vicínis nostris séptuplum in sinu eórum: víndica ságuinem Sanctórum tuórum,
qui effúsus est.

Ps 78, 1 - Deus, venérunt gentes in hereditátem tuam: polluérunt templum sanctum tuum:
posuérunt Ierúsalem in pomórum custódiam.

Kyrie

Kyrie eleison, **Kyrie eleison**, Kyrie eleison.
Christe eleison, **Christe eleison**, Christe eleison.
Kyrie eleison, **Kyrie eleison**, Kyrie eleison.

Gloria

Gloria in excelsis Deo. Et in terra pax hominibus bonæ voluntatis.
**Laudamus te. Benedicimus te. Adoramus te. Glorificamus te. Gratias agimus tibi
propter magnam gloriam tuam.**
Domine Deus, Rex cœlestis, Deus Pater omnipotens. Domine Fili unigenite, Jesu Christe.
Domine Deus, Agnus Dei, Filius Patris. Qui tollis peccata mundi,
miserere nobis.
Qui tollis peccata mundi,
suscipe deprecationem nostram.
Qui sedes ad dexteram Patris,
miserere nobis. Quoniam tu solus Sanctus. Tu solus Dominus. Tu solus Altissimus, Jesu Christe.
Cum + Sancto Spiritu in gloria Dei Patris.
Amen.

Graduale

Exod 15, 11 - Gloriósus Deus in Sanctis suis: mirábilis in maiestáte, fáciens prodígia.
Exod 15, 6 - Déxtera
tua, Dómine, glorificáta est in virtúte: déxtera manus tua confrégit inimícos.

Alleluia

Eccl 44, 14 - Córpora Sanctórum in
pace sepulta sunt, et nómina eórum vivent in generatióñem
et generatióñem. Allelúa.

Offertorium

Ps 67, 36 - Mirábilis Deus in Sanctis suis: Deus Israël, ipse dabit virtútem et fortitúdinem
plebi suæ: benedíctus Deus, allelúa.

Sanctus

Sanctus, Sanctus, Sanctus, Dominus Deus Sabaoth. Pleni sunt cæli et terra gloria tua.
Hosanna in excelsis. Benedictus + qui venit in nomine Domini. **Hosanna in excelsis.**

Agnus Dei

Agnus Dei, qui tollis peccata mundi, miserere nobis.
Agnus Dei, qui tollis peccata mundi, miserere nobis.
Agnus Dei, qui tollis peccata mundi, dona nobis pacem.

Communio

Sap 3, 4-6 - **Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.**

Te Deum

Te Deum laudamus: te Dominum confitemur.
Te aeternum patrem, omnis terra veneratur.
Tibi omnes angeli, tibi caeli et universae potestates:
tibi cherubim et seraphim, incessabili voce proclamant:
"Sanctus, **Sanctus**, Sanctus Dominus Deus Sabaoth.
Pleni sunt caeli et terra majestatis gloriae tuae."
Te gloriosus Apostolorum chorus,
te prophetarum laudabilis numerus,
te martyrum candidatus laudat exercitus.
Te per orbem terrarum sancta confitetur Ecclesia,
Patrem immensae maiestatis;
venerandum tuum verum et unicum Filium;
Sanctum quoque Paraclitum Spiritum.
Tu rex gloriae, Christe.
Tu Patris sempiternus es Filius.
Tu, ad liberandum suscepturus hominem, non horruisti Virginis uterum.
Tu, devicto mortis aculeo, aperuisti credentibus regna caelorum.
Tu ad dexteram Dei sedes, in gloria Patris.
Iudex crederis esse venturus.
Te ergo quaesumus, tuis famulis subveni, quos pretioso sanguine redemisti.
Aeterna fac cum sanctis tuis in gloria numerari.
Salvum fac populum tuum, Domine, et benedic hereditati tuae.
Et rege eos, et extolle illos usque in aeternum.
Per singulos dies benedicimus te;
et laudamus nomen tuum in saeculum, et in saeculum saeculi.
Dignare, Domine, die isto sine peccato nos custodire.
Miserere nostri, Domine, miserere nostri.
Fiat misericordia tua, Domine, super nos, quemadmodum speravimus in te.
In te, Domine, speravi: non confundar in aeternum.